

গণপ্রজাতন্ত্রী বাংলাদেশ সরকার
স্বাস্থ্য ও পরিবার কল্যাণ মন্ত্রণালয়
প্রশাসন-৪ (মনিটরিং ও সমন্বয়) অধিশাখা
বাংলাদেশ সচিবালয়, ঢাকা।
www.mohfw.gov.bd

বিষয়: স্বাস্থ্য ও পরিবার কল্যাণ মন্ত্রণালয়ের ইনোভেশন টিমের জ্ঞানয়ারি' ২০১৭ মাসের সভার কার্যবিবরণী।

সভাপতি : আ: গাফফার খান, যুগ্ম সচিব (প্রশাসন), স্বাস্থ্য ও পরিবার কল্যাণ মন্ত্রণালয়,
বাংলাদেশ সচিবালয়, ঢাকা।
স্থান : মন্ত্রণালয়ের সভাকক্ষ (কক্ষ নং-৩৩২, ভবন নং-৩)।
তারিখ ও সময় : ২৯.০১.২০১৭ খ্রিঃ, বিকালঃ ৩:০০ ঘটিকা।

সভায় উপস্থিত সদস্যগণের তালিকা পরিশিষ্ট 'ক' তে সন্নিবেশিত।

জনাব আ: গাফফার খান, যুগ্ম সচিব (প্রশাসন) ও চিফ ইনোভেশন অফিসার, স্বাস্থ্য ও পরিবার কল্যাণ মন্ত্রণালয় সভায় উপস্থিত সকলকে স্বাগত জানিয়ে সভার কাজ শুরু করেন। অতঃপর জনাব মোহাম্মদ নাসির উদ্দীন, উপসচিব, প্রশাসন-৪ ও সদস্য, ইনোভেশন টিম-কে গত সভার কার্যবিবরণী পাঠের অনুরোধ করেন। গত সভার কার্যবিবরণী পাঠ শেষে সর্বসম্মতিক্রমে বিনা সংশোধনীতে তা দৃঢ়ীকরণ করা হয়।

২. সভাপতি অধিদপ্তর/দপ্তরসমূহের নিয়মিত ইনোভেশন টিমের সভা ও ইনোভেশন টিম পুনর্গঠন বিষয়ে পুনরায় অনুরোধ করেন। তিনি জানান, ০২ (দুই) দিনের প্রশিক্ষণ কার্যক্রম চলমান রয়েছে। তবে সকল অধিদপ্তর/দপ্তরসমূহে জরুরিভিত্তিতে ০২ (দুই) দিনের প্রশিক্ষণ সম্পন্নের তাগিদ দেন। মন্ত্রণালয়ের ইনোভেশন টিমের মাসিক সভায় সকল অধিদপ্তর/দপ্তরের ইনোভেশন অফিসারকে উপস্থিতির অনুরোধ করেন। অনিবার্য কারণে তিনি উপস্থিত হতে না পারলে ইনোভেশন টিমের সদস্য অংশগ্রহণ করবেন।

৩. গত ১২.০১.২০১৭ তারিখে স্বাস্থ্য অধিদপ্তরের এমআইএস অডিটরিয়ামে সমাপ্তকৃত মাঠ পর্যায়ের ১৬টি পাইলট প্রকল্পের শোকেসিং সম্পন্ন হয়েছে। উক্ত শোকেসিং অনুষ্ঠানে জনাব মো: আবুল কালাম আজাদ, মুখ্য সমন্বয়ক (এসডিজি বিষয়ক) প্রধানমন্ত্রীর কার্যালয় উপস্থিত ছিলেন। শোকেসিং এ নিম্নবর্ণিত চারটি প্রকল্পকে স্কেল আপের জন্য নির্বাচন করা হয়েছে। প্রকল্পগুলো হচ্ছে (১) প্রাতিষ্ঠানিক ডেলিভারী বৃদ্ধি ও খাবার বড়ি ড্রপ-আউটের হার কমানো, সদর, কুষ্টিয়া (২) পরিবার পরিকল্পনা পদ্ধতির ড্রপআউট হার কমানো, সদর, নড়াইল (৩) কমিউনিটিতে মা ও শিশু স্বাস্থ্যসেবার মাধ্যমে মা ও শিশু মৃত্যুর হার কমানো, পুঠিয়া, রাজশাহী (৪) সরকারি হাসপাতালে বহিঃবিভাগে সেবা সহজীকরণ, উজিরপুর, বরিশাল। প্রকল্পগুলির মধ্যে প্রথম ২টি পরিবার পরিকল্পনা অধিদপ্তরের এবং পরের ২টি স্বাস্থ্য অধিদপ্তরের। বাকী প্রকল্পগুলোতে যে অসম্পূর্ণতা আছে তা পূরণ করে যাতে পরবর্তীতে স্কেলআপে নেয়া যায় তার জন্য কর্মকর্তা নিয়োগ করে তদারকীর ব্যবস্থা করতে হবে।

৪. সভাপতি সকল প্রশিক্ষণ প্রতিষ্ঠানের কারিকুলামে ইনোভেশন অন্তর্ভুক্তকরণের জন্য নির্দেশনা প্রদান করেন এবং ইনোভেশন টিমের সদস্যসহ উর্ধ্বতন কর্মকর্তাগণকে অফিস পরিদর্শনের সময়ে ইনোভেশন প্রকল্পগুলো ভিজিট করার অনুরোধ করেন।

৫. ডা: সুলতান সামিউল বাশার, মেডিকেল অফিসার, স্বাস্থ্য অধিদপ্তর জানান, প্রশিক্ষণ কারিকুলামে ইনোভেশনকে অন্তর্ভুক্ত করার বিষয়টি প্রক্রিয়াধীন। ইনোভেশন অফিসার সম্প্রতি পিআরএল-এ যাওয়ার কারণে ইনোভেশন টিমকে শীঘ্রই পুনর্গঠন করা হবে। ০২ (দুই) দিনের প্রশিক্ষণ ও শীঘ্রই অনুষ্ঠিত হবে।

৬. জনাব মো: আব্দুল হামিদ, নিবাহী প্রকৌশলী, স্বাস্থ্য প্রকৌশল অধিদপ্তর জানান, স্বাস্থ্য প্রকৌশল অধিদপ্তরে সরাসরি জনগণকে সেবা দেয়ার সুযোগ কম। পরোক্ষভাবে জনগণকে সেবা প্রদান করা হয়ে থাকে। তবে টিসিডি সাশ্রয় করার জন্য কর্মপরিকল্পনায় ৮টি কার্যক্রম হাতে নেয়া হয়েছে।

৭. বেগম নাসিমা পারভীন, পরিচালক (নার্সিং) জানান, নার্সিং ও মিডওয়াইফারী অধিদপ্তরের অধীন বিভিন্ন জেলায় ৫৫টি প্রতিষ্ঠানে তথ্যাদি জরুরি এবং অতি দ্রুত আদান-প্রদানের জন্য ই-মেইল চালুকরণের কার্যক্রম হাতে নেয়া হয়েছে।

৮. জনাব মো: আবুল হোসেন, টেকনিক্যাল ম্যানেজার, নিমিউ এন্ড টিসি জানান, ২ (দুই) দিনের প্রশিক্ষণ গ্রহণ করা হয়েছে। ইনোভেশন টিম গঠন করা হয়েছে। সভাপতি যন্ত্রপাতি, গাড়ী, এয়ার কুলার ইত্যাদি রক্ষণাবেক্ষণ এবং সার্বিক তথ্যাদি সংরক্ষণের জন্য ১টি সফটওয়্যার ডেভেলপের নির্দেশনা প্রদান করেন।

৯. জনাব মো: মুহিদুল ইসলাম, ঔষধ তত্ত্বাবধায়ক, ঔষধ প্রশাসন অধিদপ্তর জানান, ঔষধের প্যাকেটের গায়ে ইউনিকোড নম্বর দিয়ে একটি অ্যাপ তৈরি করা হয়েছে। এই ইউনিকোড নাম্বার দিয়ে অনুসন্ধান করলে ঔষধ আসল না নকল, ঔষধের মেয়াদ কাল, মূল্য ইত্যাদি জানা যাবে। খুব শীঘ্রই এ অ্যাপটির উপর ১টি লক্ষিং এর আয়োজন করা হবে যাতে জনসাধারণ বিষয়টি সম্পর্কে জানতে পারে।

১০. জনাব আব্দুল হামিদ মোড়ল, উর্ধ্বতন প্রশিক্ষক, নিপোর্ট জানান, প্রশিক্ষণ কারিকুলামে ইনোভেশন অন্তর্ভুক্ত করার বিষয়টি প্রক্রিয়াধীন এবং ২ (দুই) দিনের প্রশিক্ষণ সম্পন্ন হয়েছে। তবে নিপোর্টে প্রশিক্ষনার্থীদের কোন ডাটাবেজ নেই। প্রশিক্ষনার্থীদের ডাটাবেজ তৈরির কার্যক্রম হাতে নেয়া হয়েছে।

১১. সভায় নিম্নোক্ত সিদ্ধান্তসমূহ গৃহীত হয়:

১১.১: শীঘ্রই ০২ (দুই) দিনের প্রশিক্ষণ সম্পন্ন করা;

১১.২: মন্ত্রণালয়ের ইনোভেশন টিমের মাসিক সভায় অধিদপ্তর/দপ্তরের ইনোভেশন অফিসারের অংশগ্রহণ নিশ্চিত করা;

১১.৩: প্রশিক্ষণ কারিকুলামে ইনোভেশন অন্তর্ভুক্তি; এবং

১১.৪: প্রযোজ্য ক্ষেত্রে ইনোভেশন টিম পুনর্গঠন।

১২. আর কোন আলোচ্য বিষয় না থাকায় সভাপতি উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত: ০৬.০২.২০১৭

(আ: গাফফার খান)

যুগ্ম-সচিব (প্রশাসন) ও

চিফ ইনোভেশন অফিসার

নং- ৪৫.১৪১.০৯৩.০০.০০.০০৮.২০১৬-৪০

তারিখঃ ০৬.০২.২০১৭ খ্রিঃ

বিতরণ (জ্যেষ্ঠতার ভিত্তিতে নয়):

১. যুগ্মসচিব (মেরামত ও রক্ষণাবেক্ষণ) অধিশাখা, স্বাস্থ্য ও পরিবার কল্যাণ মন্ত্রণালয়, ঢাকা।
২. উপসচিব (জনস্বাস্থ্য-১/প্রবা-৩/প্রশাসন- ১) অধিশাখা, স্বাস্থ্য ও পরিবার কল্যাণ মন্ত্রণালয়, ঢাকা।
৩. পরিচালক (গবেষণা) স্বাস্থ্য অর্থনীতি ইউনিট, আনসারি ভবন, তোপখানা রোড, স্বাপকম, ঢাকা।
৪. উপপ্রধান (স্বাস্থ্য), পরিকল্পনা অনুবিভাগ, স্বাস্থ্য ও পরিবার কল্যাণ মন্ত্রণালয়, ঢাকা।
৫. সিনিয়র সহকারী সচিব (হাসপাতাল-৩), স্বাস্থ্য ও পরিবার কল্যাণ মন্ত্রণালয়, ঢাকা।
৬. সিস্টেম এনালিস্ট, কম্পিউটার সেল, স্বাস্থ্য ও পরিবার কল্যাণ মন্ত্রণালয়, ঢাকা।
৭. ইনোভেশন অফিসার (স্বাস্থ্য অধিদপ্তর/পরিবার পরিকল্পনা অধিদপ্তর/ ঔষধ প্রশাসন অধিদপ্তর/নিপোর্ট/নার্সিং ও মিডওয়াইফারী অধিদপ্তর), ঢাকা।
৮. ইনোভেশন অফিসার, স্বাস্থ্য প্রকৌশল অধিদপ্তর, মতিঝিল, বা/এ, ঢাকা।
৯. ইনোভেশন অফিসার, নিমিউ এন্ড টিসি, মহাখালী, ঢাকা।
১০. ইনোভেশন অফিসার, টেমো, মহাখালী, ঢাকা।

কার্যার্থেঃ

১. সিস্টেম এনালিষ্ট, কম্পিউটার সেল, স্বাপকম, ঢাকা (মন্ত্রণালয়ের ওয়েব সাইটে প্রকাশের অনুরোধসহ)।
২. অতিরিক্ত সচিব (প্রশাসন) এর ব্যক্তিগত কর্মকর্তা, স্বাস্থ্য ও পরিবার কল্যাণ মন্ত্রণালয়, ঢাকা।
৩. যুগ্মসচিব (প্রশাসন) ও চিফ ইনোভেশন অফিসার এর ব্যক্তিগত কর্মকর্তা, স্বাস্থ্য ও পরিবার কল্যাণ মন্ত্রণালয়, ঢাকা।


(মোহাম্মদ নাসির উদ্দীন)
উপসচিব

ফোনঃ ৯৫৪০৩৬২

ই-মেইল-monitor@mohfw.gov.bd